



Broj: 08-01-03/2-11-2-758-10/26

Dana: 16.04.2026. godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14, 59/22 i 50/24) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), na Preporuku Komisije za javne nabavke roba, usluga i radova iz Zapisnika o pregledu i ocjeni ponuda broj: 08-01-03/2-11-2-758-9/26 od 15.04.2026.godine, u postupku javne nabavke "LOT 1: Nabavka računara i druge računarske opreme", ministar Ministarstva unutrašnjih poslova Zeničko-dobojskog kantona, donosi:

O D L U K U

o izboru najpovoljnijeg ponuđača "IMTEC" d.o.o. Sarajevo, za "LOT 1: Nabavka računara i druge računarske opreme"

Član 1.

Prihvata se Preporuka Komisije za javne nabavke roba, usluga i radova (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-758-9/26 od 15.04.2026. godine i ugovor za "LOT 1: Nabavka računara i druge računarske opreme" dodjeljuje se ponuđaču "IMTEC" d.o.o. Sarajevo, sa ponudom broj: 08-01-03/2-11-2-758-5/26 od 09.04.2026. godine i ponudenom cijenom u iznosu od 82.049,10 KM bez PDV-a.

Član 2.

Odabrani ponuđač dužan je u roku **od 5 (pet) dana** od dana zaprimanja ove Odluke, dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Član 3.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.



Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Na osnovu Odluke o pokretanju javne nabavke broj: 08-01-03/2-11-2-758/26 od 18.03.2026. godine i Obavještenja o nabavci broj: 488-1-1-14-3-24/26 od 19.03.2026. godine, proveden je otvoreni postupak javne nabavke "LOT 1: Nabavka računara i druge računarske opreme". Procijenjena vrijednost nabavke za LOT 1 je iznosila 82.051,28 KM bez uključenog PDV-a. Sažetak obavještenja o nabavci broj: 488-1-1-14-3-24/26 objavljen je dana 27.03.2026. godine u "Službenom glasniku BiH", broj: 23. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-758-2/26 od 19.03.2026. godine.

Komisija je sačinila Zapisnik o prijemu ponuda broj: 08-01-03/2-11-2-758-7/26 od 09.04.2026. godine i Zapisnik sa otvaranja ponuda broj: 08-01-03/2-11-2-758-8/26 od 09.04.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda 3 (tri) ponuđača prijavilo na predmetno javno nadmetanje i to ponuđači: "INTER-COM" d.o.o. Zenica, "FIXIT" d.o.o. Sarajevo i "IMTEC" d.o.o. Sarajevo.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-758-9/26 od 15.04.2026. godine, te utvrdila da:

1. Ponuda ponuđača „INTER-COM“ d.o.o. Zenica za LOT 1 nije prihvatljiva obzirom da ponudena roba za stavku 1 iz obrasca za cijenu ponude – Aneks II ne ispunjava zahtjeve u pogledu opisa predmeta nabavke i tehničkih specifikacija navedene pod tačkom 6. ovog zapsinika.

Ponuda ponuđača "INTER-COM" d.o.o. Zenica za LOT 1 ne ispunjava zahtjeve u pogledu opisa predmeta nabavke i tehničkih specifikacija za stavku 1 iz obrasca za cijenu ponude – Aneks II, odnosno ponuđeni računar ne ispunjava sljedeće zahtjeve:

- tenderskom dokumentacijom je zahtijevano: "Ekran: minimalno... 100Hz..." a prema kataloškoj dokumentaciji uređaja koji ovaj ponuđač nudi za ekran je ponudena karakteristika "60 Hz", odnosno niža frekvencija od minimalno zahtijevane;
- tenderskom dokumentacijom je zahtijevano: "SSD: minimalno... M.2. 2280..." a prema kataloškoj dokumentaciji uređaja koji ovaj ponuđač nudi za SSD je ponudena karakteristika "M.2. 2230", odnosno niže od minimalno zahtijevanog;
- tenderskom dokumentacijom je zahtijevano: "Komunikacija minimalno Dual mikrofona...", a prema kataloškoj dokumentaciji uređaja koji ovaj ponuđač nudi nije vidljivo, niti označeno prema napomeni uz ovu stavku iz Obrasca za cijenu ponude, da je ponuđen traženi mikrofona;
- tenderskom dokumentacijom je zahtijevano: "Tastatura i miš: USB istog proizvođača kao i AiO računar", a prema kataloškoj dokumentaciji uređaja koji ovaj ponuđač nudi nije vidljivo, niti označeno prema napomeni uz ovu stavku iz Obrasca za cijenu ponude, da su ponuđeni tastatura i miš na zahtijevani način.

2. Ponuda ponuđača „FIXIT“ d.o.o. Sarajevo za LOT 1 nije prihvatljiva budući da u ponudi nije dostavio tehnički list ili katalog ili izvod iz kataloga za ponuđenu robu u dijelu koji se odnosi na stavku iz Obrasca za cijenu ponude – Aneks II pod brojem 2. "Desktop PC i monitor", odnosno ovi dokumenti nisu dostavljeni za monitor koji ponuđač nudi, pa je tako ustanovljeno da ponuđač nije postupio prema tački 13.2. tenderske dokumentacije i stoga se nije moglo utvrditi da li ponuđeni monitor ispunjava tražene tehničke specifikacije iz Aneksa II.

Nadalje, Komisija je utvrdila da ponuda ponuđača "IMTEC" d.o.o. Sarajevo ispunjava sve zahtjeve ugovornog organa u formalno-pravnom, ekonomskom i tehničkom smislu, te da je ista za ugovorni organ prihvatljiva.

Rangiranje prihvatljivih ponuda prema kriterijumu za izbor ponude:

R.br.	Naziv ponuđača	IDB/JIB	Početna cijena u KM bez PDV-a	Rang
1.	"IMTEC" d.o.o. Sarajevo	4200918780002	82.049,10	1

U postupku donošenja ove Odluke, posebno su cijunjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "IMTEC" d.o.o. Sarajevo, odabran je na osnovu ponudene cijene u iznosu od 82.049,10 KM bez PDV-a.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

